

Geografski položaj

Općina Ključ se nalazi u sjeverozapadnom dijelu Bosne i Hercegovine u Unsko-Sanskom kantonu na magistralnom putu Sarajevo - Bihać. Prije rata zauzimala je prostor površine 844 km² sa ukupno 37.391 stanovnikom sljedeće nacionalne strukture: Bošnjaci - 17.573 (47%), Srbi - 18.321 (49%), Hrvati - 371 (1%), Jugosloveni - 747 (2%) i ostali - 379 (1%). Nakon potpisivanja Dejtonskog mirovnog sporazuma općina Ključ je podijeljena na dva dijela. U sastavu Federacije Bosne i Hercegovine je ostalo 43 % prijeratne teritorije ili 365 km², a ostatak od 57% ili 479 km² pripao je Republici Srpskoj, sadašnja općina Ribnik. Ovom podjelom na dio općine ostao je bez većeg dijela osnovnog prirodnog bogatstva - šume, kao i većeg dijela obradivog poljoprivrednog zemljišta uzvodno uz rijeku Sanu. Na dijelu općine koji je ostao u sastavu FBiH u predratnom periodu živjelo je oko 28.230 stanovnika u 7.266 domaćinstava, a danas na području općine Ključ živi 22.293 (cca 13.000 živi na području Općine ostatak u inostranstvu) stanovnik koji su organizovani u 10 mjesnih zajednica. Od navedenog broja raseljenih lica sa teritorije Republike Srpske je 316, a interno raseljenih lica je 629, jer im je imovina privremeno zauzeta, odnosno uništena. oko 1500 manjinskih povratnika. Ukupan broj zaposlenih je 1.775, a na Birou za zapošljavanje je evidentirano 2.127 lica, za žije zapošljavanje su vrlo male šanse zbog totalno uništene privrede i nedostatka sredstava za otvaranje novih radnih mjesta.

OPIS GRBA I ZASTAVE Grb općine Ključ se sastoji iz simbola koje predstavljaju historiju, prirodna bogatstva, turizam, poljoprivredu i privredu općine Ključ. Navedeni simboli su sljedeći: srednjovjekovni štit iznad kojeg je heraldički znak za prošlost (boja zlata). Unutar štita nalaze se simbolji srednjovjekovnog grada Ključa, a sastoje se iz više tvrđava (boja srebra), iznad srednje tvrđave je heraldički znak "Zlatni ljiljan", (boja zlata), a na njenoj plohi je "Ključ" - simbol grada (crna boja). U donjem dijelu štita, u njedrima zlatnog klasja (boja zlata) su sljedeći simboli: kružna pila (crna boja), prorezani trupci (svjetlo - smeđa boja), šuma (zelena boja), tvornica (svjetlo - smeđa boja) i dvije rijeke Sana i Sanica (plava boja). Zastava općine Ključ je pravougaonog oblika bijele podloge sa grbom općine u sredini. Odnos širine i dužine je 1 : 1,75 m.